



2. oktober 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Naalakkersuisut meeqqanut immikkut ikiorserneqartariaqartunut Boot camp-iat qanoq aningaasalersorneqarpa?**
- 2. Inuussutissarsiornermi Naalakkersuisoqarfimmi kontot atunngitsuukkat Boot camp-imut atorineqartussanngorlugit nuunneqartut suuppat?**
- 3. Boot camp-eqartitsinermi aningaasarsiat qanoq annertutigaa?**
- 4. Boot camp-imi sulisut qassiuppat?**
- 5. Ilinniartitaanermut Naalakkersuisoqarfik atunngitsuukkaminik sorlernik Boot camp-imut aningaasaliissuteqarpa?**
- 6. Aningaasaqarnermut Ataatsimiititaliamut Boot camp pillugu qinnuteqaatit qanga nassiunneqarpat?**
- 7. Boot camp-imut aningaasaliissutit qanga Aningaasaqarnermut Ataatsimiititaliamit akuerineqarpat?**
- 8. Boot camp suliffeqarfiuppat kikkunnit pigineqarpa imaluunniit Naalakkersuisoqarfiup nammineq ingerlappaa?**

(Inatsisartuni ilaasortaq Hans Enoksen, Siumut)

Tungavilersuut:

Ilinniartitaanermut naalakkersuisoq Kalaallit nunaata radiuatigut oqaaseqarnermi ersarissumik oqaatigaa Aningaasaqarnermut ataatsimiititaliaq Boot camp pillugu akuersisimasooq, kisiannili Aningaasaqarnermut ataatsimiititaliami amerlanerussuteqartut tamanna pillugu ilisimasaqaratik. Suna ilumoortuunersoq paaserusukkakku matumuuna apeqquteqarpunga.

Apeqqutit ullut qulit iluanni akineqarnissaat kissaatigaara.